

تورک یوردی

[اون آلتنجی سنه]

تورک ادبافلری مرکز لهیئتی طرفندره نشر اولغوره .

جلد ۵

نيسان ۱۹۲۷

نومرو ۲۸

ملى اقتصادياتده

يادا سالامسى رنسانس

عمومى ثروتك سرمايه قسى بارادر - بارانك اوجوزلنى بهاليتى - اشيا
فيثاتلىرى - ادخالات ، اخراجاندن آز اولاليدىر. استهلاكده مى اشياتك
مطلقا نرجيى - انقلابلك تاثيرانى و نقصانلر - دائما آلتونه ياقلاشمق -
مى تساند - برلكار ، جمعيتلر ، علمى اصلاحات - نتيجه - پروگرامه
لزوم وارى ؟

اقتصادياتك بويوك بردقت واهميتله دائما مشغول اولدينى ثروت عموميه و بونكده
اك زياده « سرمايه » قسى هر نه شكلده اولورسه اولسون هر حالده بر « قد » ،
برپارا افاده ايدىر . بونلره علمجه « قيمت » تعبيرنه بر معنا ويريورلر ، فقط بوجه
بوراده مطلوب اولان فكر خلق تعبيرنه كوره آچيقجه سرمايه و بارادر . ملتلك
ثروت عموميه لرى ايسترازى و چيفتلك ، ايستر قابريقا ، واپور ويا شمندوفر ،
هر نه شكلده و هانكى نوعدن اولورسه اولسون هيچ شهنسز پارا ايله اولجولور .
چونكه او طوپراق ياخود قابريقه و ماكنه برر سرمايه درلر . اونلر ايشله تيلبوردر .
او حالده پارا هر شيدى ، هر ايشده اجرا قوتى و واسطهسى ، اقتصادى حركتلك
ماظمى در .

اونك طيى حالده ، كافى مقدرده ، ياخود جوال و فعال شكلده بولونمادى
برده مطلقا صيقتى ، عطالت ، امنيتسزلك و مشكلات واردر . بوندن دولايى
مدنيت جهانى هر نروده نه بولورسه اوندن استفاده ايچون انصافسز ، بى امان بر

مهاجم و بر آج کوزلو دیودر . صیقینتی به ، مشکلا نه دوشمه مک بولینده اوکنه کلنی ده و برر ، یاغما ایدر ، چیکنه ر . عمومی غایه لر و حرکته رده بونا اعتراضه کیمسه نک حق یوقدر . پارا ! ده نینجه بوتون روحی و معنایی ، جالیشمق و قازانمسی مجبوری اولان و اولسز هیچ بر حرکت و یا نیت بیله تأمین ایدیلهمه یین اک مؤثر بر قوت اولارق نجسم ایدر .

پارا ، جهان حربی نتیجه سی اوضارادینی بک بویوک انقلابدن دولایی دنیایی صارصان برمسأله ، برایش عقللری حیره کونوره . برمعما و عادتا برحیات ممات مسأله سی اولمشدر . پارا هر ماده نک ، هر شیئک ، حق مادی معنوی هر قیمت و موجودیتک ده کرینه تولجو اولدینی ایچون بو فوق العاده امتیازی دائما محفظه ایدیور . بو تولجو اولمق خاصه و قدرتی اونی غایت حساس بر حاله کتیرمشدر . مالی و اقتصادی احوال و حادثات ایچون پازادن داها حسلی داها دوشرو بر « بارومتر » اولاماز . تجارتک ، سیاستک استحصالک ، استهلاکک بوتون صفحاتینک آیلک یاخود فنالق میزانی اولمق خصوصنده پارا ، ده کل قطعی اشارت و علامت لر حق ضعیف شه لر و اکثریا اساسسز دبدی قودیلردن درحال متأثر اولان ، عصیلکده هر مده و واسطه نک اوستینده کزمن اک قورقاق ، اک تیتیز و وهام بر عنصردر . بونک بوتون خصوصیات و تمایلاتینی بانقله لر بیلیرلر .

پارانک تیتیزلکده حق واردر . چونکه هر شیدده ، هر جیده و هر آنده الزمدر . وظیفه سی ، ایشی ، خدمتی بوتون دنیایه شاملدر ، اوزرینده بوتون جهانک کوزی و دماغی دونمکده در . البته مستقنا خویلری اولاجقدر و هر مالی حادثه ده اک اول متأثر اولاجق عضو پارادر .

پارانک اوجوزلاماسی و یا بهالاشماسی معلومدر ، پارا نرده چوقسه اوجوز ، و اووقت اوراده اشیا بهالیدر . بونک عکسی اولارق پارا بهالی ایسه اشیا اوجوز اولمق لازم کلیر . فقط بو نقطه ده بک خاطره کلیر بر سؤال وار : پارانک اوجوز اولماسی مطلقا جوقلفندیمیدر ؟ پارا بر یرده جوق اولمادینی حالده ده یینه اوجوز اولمازمی ؟ .

اولا بیلیر، فقط او آلتون ده کلدر. قارشیلنی اولمایان یاخود وارسه بیلر بر
احتیاجی همین ایضا ایده بیلر چک حاضر حالده تأمیناتی بولونمایان کاغد پارادر. یعنی
کاغد پارا جوق اولمادیی حالده ده اوجوز اولور، مقابلنده آزا شیا آلیبر، باشقه
تعییرله اشیا قیمتتری یوکسک اولور. چونکه اشیا بیننه نه ایسه اودر، او پارا ایسه
آزاده واسطه شکلینده کندی ماهیتی اعتباریه حقیقی بر قیمتی حائز اولمایان کاغددر.
ویریلن قیمت اضافیدر، قارشیلنی مسکوک آلتون ده کله بیلر ده میر باشی،
سرمایه، خلاصه ایشله ک حالده بر نروت ابراز ایتملی؛ ایشله یین، دونن، ایراد
و قازانچ کتیره ن فعال بر وارلق اولمالیدر. ایشته کاغد پارانک بر فضله حسابتی
و محکومیتی ده کندی کندینه بر موقع صاحبی اولاماق و مطلقاً نسبتاً قیمتی
تأمیناته و آرقیه محتاج بولونتی اوصافیندن ایلری کلیور.

کاغد پارانک اوجوزلقندن ده جوق ایلری کیده رک هیچ برشی ایتدیکی و کاغد
آغیرلیندن ذره قادار فضله اضافی بر قیمتی اولمادیقی حادیه سی جهان حربینی
متعاقب آلمانلرده اولمش فقط کندی لهلرینه جیقمشدر. چونکه ه مارق، لری
بوتون دنیا صانین آلمشدی؛ سببی ده آلمان صنعت و تجارت سرمایه سنک عادتاً
تأمینات مقامینده تلقیمی ایدی. (بو مسأله ده آلمانلر جوق قورنازجه حرکت
ایتشلردر.)

فقط کاغد پارا مسأله بیلر بیننه بوتون دنیا مشغولدر. چونکه بارالموازنه لرینی
وحدلاً یقربنی بولاماشلردر. هب بو نقطه اطرافینده جالبشیلیمقده در. بین الملل
جهان تجارتی بو موازنه سزلیکدن متأثر و جوق متکیدر.

موازنه یه دوشرو کینک و ایلریده مقاومتی آرتارق پارامزی شیمدیکی
اوجوزلیندن قورتارمق ایچون، ایشله یین، دونن و ایراد کتیره ن سرمایه لرمنی
آرتدبرمق وداها فعال بر قدرت الله ایتمکدن باشقه چاره یوقدر؛ بونه قادار
یوقنده اولاجقدر بیلیم، فقط باشقه چاره یوقدر، حقیقت حال بودر.

او وقت - بز ایسته مسکده - پارانک چوققلغندن دولایی اوجوز اولماسی سعادت
قارشیمزده چیقار، بزه بیک تورلو اکراملرده بولونور. و بو اصل پارادر،

یعنی اور تادہ کوزوکن کاغده اولسه اونك ایچ یوزی آلتون دیمکدر : چوق جالیشمشز ، جالیشمانك یولینی و حسابینی اوکره نمشز ، چوق استحصالات یامشز ، پارا قازانمشز . همده کندی حدود من ایچنده کندی آرامزده دکل ، آوروپاده ، آمریقاده ، آفریقاده مال و محصولزی صائمشمز و اونلرک پاراسینی مملکتزده کتیرمشز ؛ او وقت طبعی ثروت و سرمایہ من آرتمش .

مثلا جنوبی آمریقانك اك مهم مملکتلریندن بری اولان « آرژانتین » کبی . اوراده پارا يك اوجوز اولدینی ایچون اشیا بهالی فقط هرکس مسعود ده کلسه بيله مرفه و هیچ شبهه من عمومیت اعتباریله مملکت حقیقه مسعود و بختیار ! آوروپاه چوق مقدارده اخراجاتيله يك زنکین اولان آرژانتین ده بالفرض بسیار صاحبی کونده درت بش آلتونلق آلیش و یریش یاپیور ، فقط حسابینه دقت ایتمزه او کونکی کارینی طبعی حالدہ صرف ایدپور ، پیور ایچپور ، برشی بیریکدیره میور . براز پارا قازانوبده مملکتینه دونه رک فقیرلکدن قورتولمق ایچون اوج یاخود بش سه ایچون هجرت ایدمن سوریه لی و بالخاصه لبنانیلر براز پارا صاحبی اولمق مجادله منده مملکتلرینك حیات طرزینی - بزده کی ایرانلیلر کبی - بیراقامق و حتی مملکتلریندن بعض اوجوز غذا ییه جک کتیرتمک کبی اقتصادک صوک شرائطینه رعایت و قناعتله موفق اولمشلردر .

بو حال یرلیلری ایچون اك بویوک سعادتدر . مصرده بر درجه یه قادار بویله در . وپارانك بوتورلو چوق و اوجوز اولماسینی جانندن یوره کدن تمنی ایتمیه جک کیمسه یوقدر . انسانك اشترا قونی آرتدقندن صوکر اشیا بهالیمنی يك قالماز ، چونکه حس ایدیلز وینه حساب تقریباً بردر فقط قور . وقدرت و بناء علیه راحت ولدت آرتمشلدر . مثلا مصرده بر اوقه ات ، انکلز آلتونی ۹۷٪ غروش اعتباریله ، اون غروش اولسه بزم پارامزله ۱۰۰ غروش دیمکدر که بو کونکی فیآندر . فقط بویله برلرده آبی مال و نفیس اشیا دائما او نسبتی غروشی غروشینه محافظه ایدمزلر ، بهالیلق آزجق داها فضلہ اولور ، فقط ، دیدیکم کبی ، هرکس ممنوندر . بز بوکا ناصل موفق اولاییلرز ؟ دقتی و حسابی جالیشمقله ، سرمایہ یی آرتدیرمه

چاره سنی بولارق استحصالاتی ده آرتدیرمق و خارجه صاته رق، فضله بارا قازانمقله یعنی مملکت مزده کندی پارامز آوروپا ویا آفریقا آلتونلریندن بر نوع تأمینات وقارشیلق کتیرمکله مطلقا بر موفقیت الده ایده ریز .

ادخالاتمزک اولدجه مهم بر فرقله اخراجاادن آز اولماسی ایلک چاره در. هله تزیینات و سفاهت امتعه سینی اک اول دوشونمک بزم ایچون عادتا بر وطن بورجی وحقیقتده بر وظیفه وچوق بویوک بر مسأله در .

بویوک انقلابلر تصادف ایدن انسان زمره لری بر مدت عصیلتک دوره سی کچیررلر . جهان حربی کبی عصرلرک قاورابه مدینی پک بویوک و پک فجیع نولوملی حادثه لره شاهد اولان آداملر بر چوق تأثرلر ، فکرلر و محرومیتلر آلتینده ییتیز ، غضوب و آفاق اولورلر . ضایع ایتدکلری مال و جانندن منفعل بر خسته دور کچیررلر . بو ائشاده اونلری عقل و منطقله الزامه امکان بوقدر . حسلر چوق مادیلشمش ، پاره آزالمش ، تخریبات . اولمش ، یکی یکی قناعتلر ، ظنلر ایچنده اولدجه داغینیق و ده کیشیک بر حیاته دوشولمشدر . بونلری طار بر جرجیوه داخلنده دوشونن اکثریت هب اولکی زمانک کندینجه آبی مسترخ کیدیشینی دوشونه رک و صابوب دوکدرک تسلیسز بر درد یاعه طبعی حاصل ایده ر ؛ اولکی حیاتک اقتصادی قولایلق و بوللقرینی آراد و اونلری هیچ شبهه سز اک کوزل بر منظره اولارق یاد ایلر .

انقلابک ویردیکی عبرت وکماله متوجه تجربه درسلینی ، فلاکتک ابقاظقونینی و خاصه سنی هیچ قاله آماز . حال بوکه ایلک یاییلاجق حرکت بودر .

چونکه اولان شیلر هب برر اسر واقعدر . اونلر تاریخلردر . مشهور انگلیز رومانچی (ولس) ک دیدیکی کبی ذکا دائما ایلری به باقالی و آرقه ده قالاندن برشی بکله مه لیدر . چونکه کچندن بر فائده بوقدر ، کله جکی کندینه کوره حاضر لامتق ایسه ذکانتک اولدجه الینده در . بو نظریه بی اقتصادیا نه تطبیق ایده ر سه ک یکی شکل ، یکی جریانلر حاصل ایدن و کیده نک یرینه یکی ثروتلر ایسته یین انقلاب و فلاکت نتایجی یکی حرکت و یکی حسابلره کوره غیرت و فعالیت ده ایستیور . اولجه الینده کینک

قدرینی بیامین بشریت بو کون - اومالی ضایع ابتدیکی ایچون - داها شعورلی و احتیاطلی طرزده و قیمت بیلیر برحسله داها فضله چالیشیق مجبوریتده در . بو چالیشمه نك اساسلی مطلقا ملی دویغورلر اوزرینه عمل آتالیدر .

اقتصادیاتك اخلاقه و عقل سلیمه تماس ایدن بو میلانی بو کون دنیانك هر طرفینده و حق هیچ اومولمایان چینده ، آفریقا گوشه لرینده بیلر بارز بر شکل آلمشدر . چونکه اضطراب آرتمش و عمومیشمش ایدی . شیمدی اونك برداها عودت ایتمه سی چاره لری دوشونولیور . مدنیتدن استمداد آنجق بو یولده اولاجق .

اجتماعی مسأله لك حل ایدیله سی اوغورسز سیاست مسأله لرینك ده حلینی انتاج ایتسینده نیلیور . بونك ایچون خیالاته ، لاقیدلکه ، ایشی اولورینه بیراقفه هیچ کمز . مادام که ملی موجودیتلر و اونلرک مدنی احتیاجلری و کندیلرینه مخصوص موازنه لری واردر ، آرتق باشقه احتماللرو امکانلر دوشونمکه امکان اولسه بیلر مساعه یوقدر . بو وضعیتده کنجلك احتیازلوقده بر فرق یاخود آیریلق کوتورمز . بو نقطه ده کنجلكك امتیازی داها سوره کلی ، داها عمرلی فعالینه نامزد اولمقدور .

دیمک که هم ضایعی تضمین ، همده ایلری بی تطمین ایچون فیضلی بریول آریوب بولمق و مساعیمزی اعظمی درجه ده مشر حاله کتیره دک ملی ثرونی چوخالتمق وظیفه سی قارشیسینده بز . بوده اخراجاتی آرتدیرمق ، ادخالاتی اکسپلیمک و ملی استهلاکاتده ملی اشیایی ترجیح ایتمک ، ایله ممکن اولاجقدور .

آوروپا لیمانلرینی دولاشمش اولان سیار سرکیمزده سیاحت ایدن بر تورک اوقطعه نك الکنکین ملتر بندن برینك شهرلری اهالیسینده کوردیکی سوس و سفاهتک عینی درجه سینی استانبولده کوردیکی حیرتله سویلیوردی . حال بوکه او سوس و ششمه بی بینه کندی اللریله یایوب میدان کتیریورلر . بز ایسه اونلره بوزغروشه ساتدیغمز خام بر ماده اصلیه بی ایشلتمش اولارق بیک غروشه آلمق صورتیله الله ایدیورز !

او حالده بز یا یا جغمز ایش یک بللی و آچقدور : طبیعی ثروتلر منک کندیمزه لازم اولان قادارینی کندیمز ایشله مک ، فضله سینی - ممکن مرتبه آرتدیرمق شرطیله -

خارجہ صائمق و بونادہ تمیز، اُبی شکل و یرمک، شرقہ و تورکہ مخصوص مصنوعات و معمولات دہ علاوہ ایتمک در. او صورتدہ کہ مملکتدہ کی یالکز جالیشایان دہ بیلہ رک و ایشی ایچنہ سیندیرہ رک جالیشین .

بورادہ مسألہ ینہ موازنہ قاعدہ سینہ طاقیلور : مثلاً دیشجی مکتبندن مآذون بردیش حکومت دواثر بندن برینہ مراجعتلہ، صنعتیلہ ہیچ مناسبتی اولمایان، بیک بشیوز یاخود ایکی بیک غروش معاشلی بر مأموریت آرایور. بیچون صنعتکزی یا پیورسکز، سؤالینہ جواب اولارق آلات و ادوات ندارکی ایچون اوج درت یوزلیرا بولامادیغنی سویلیور. اووتت بوکنجک مملکتہ اک قائدہ لی اولارق یا یا جغنی ایشی کری قالیور .

بناء علیہ اقتصادی نقصانتری و موازنہ سزلیکری، ہیچ برافقہ یاخود اشیایہ نظر لرمنی صاپلامیہ رق هب کندیمزده، یعنی اسکیدن کلیشی کوزهل وجود بولمش اولان طرزتسکلمزده آرامالی بز. فرض ایدہ لم کہ اوقصورلری ادراک ایتدک، فقط نہ چارہ کہ قدرتمز یوق، سرمایہ بولامیورز .

فقط ہیچ بر ملت یکی بردورہ، یکی برانقلاب و تکامل ساحہ سینہ کیردیکی وقت تبسملرلہ بکله نیلن بر معمورہ دہ ضیافتہ دعوت ایدیلمہ مشدر. بالمکس - هله قائل محاربہ لی بو بوک ماجرایہ مصادفسہ - انقاضلر ایچینہ قورولمش اسکيجہ بر جادر آلتیندہ همان ایشہ باشلامغہ جاغیر یلشدرد. بوندہ کی کوچلک بللیدر، فقط فوق العادہ حادثہ لر قارشیسیندہ شعورینی هب محافظہ ایدہ کلش ملتلر ایچون بویله غایہ لرده یورغونلق اولمادیغنی هر ملتدن اول بز اثبات ایتدک .

اوحالده ؟ اوحالده عمومی یعنی ملی تروتی آرندیرمغہ و بونک ایچون دہ آلتونہ

یا قلاشمغہ جالیشہ جغز .

مشروطیتک اعلانیی متعاقب تشکل ایدن ایلک مجلس مبعوثانک برمالیہ ناظری بودجہ آجینی حقیندہ مجلسہ اوزون بر ایضاحات و بررکن مبعوثلردن برینک بو « آجینی ناسل قاپایہ جغز ؟ » سؤالینہ جواباً : دنیانک آلتون معدنلری آلتون جیقاراجق بزده اولنلردن آلارق آجیغمنزی قاپایہ جغز سوزینہ یقین برنظرہ یوروش،

فقط بزه لزومی اولان او معدن کولچهلرینی نه ایله و نه مقابلی آلاچقمزی ایضاح
ایتمه مشدی ! حال بوکه اک زیاده بونی سویلک لازمدی .

بزشیدی اومعدنی یینه طورراغی قازارق بولاچغز، فقط بودوغرودن دوغرویه
او جوهری ده کل ، اونک حاضر بولونمش اولانی استحصالاتمزله مبادله ایدره
بالواسطه الده ایتمک ، باشقه مملکتلرده کچن معمولاتمزی ده سورمک صورتیه .
فقط بونی برر برر یعنی یالکمز اولارق بریمز کندی کندیمزه یاپامایزه . بوحرکت
ویا مجادله ده مطلقا ملی تسانده محتاجز . بو تسانده هر حالده زمانه کوره یعنی
عصری و علمی بر بولده اولاجق .

اولکی مقاله لر مزده ده سویلدی کمز کبی برلکلره ، مسلک و جوار زمهره لری
دانشیقلی و مشترک فکر لرله سعیرک برلشمه سیندن چیقان برطوبلوقله وجوده کله جک
بو برلکدن اک بوبوک و معلوماتلی چیفتلک یاخود تجارت صاحب لری بيله مستغنی
اولاماز . فقط اونلری سوکرایه بیراقلم ، اکثریتی تشکیل ایدن اورتا و کوچوک
سرمایه لی صنف لری ، اوراق تارلا و کوچوک تزکاه یاخود دکان صاحبی چیفتجی بی ،
صنعتکاری ، اصنافی دوشونه لم ، بوکون آریجه بر اهمیت عرض ایدن و نسبة
بر آرتخصل کورمن سرمایه سز و متردد وضعیتده بولتان کنجلیکی هر حالده ایلک
صیرایه قویلم . چالیشمق ایستین یاخود چالیشمغه مجبور اولان قیز و قادین صنفی
اهمیتله تعقیب ایدم . اووقت ملی تساندی اساسلاندیرمغه یعنی برلکله ، شرکتله ،
قوتوبه راتیفر تشکیلاتینه عادتا سو واکمک قادار محتاج اولدیقمزی آکلارز .

بعضلری بونک زمانله آکلاشیله جغینی ، زمانله اولاجغینی و بوکونکی فکری تربیه
و ذهنیت سوبه سینک هنوز فردجیلک دوره سینده بولوندیغینی ایلری سوره رک
هرکسک کندی باشینه بریول طوماسینی داها طبعی کوروپورلر .

بو حال بزه چوقوقت غائب ایستدیره جکدر . حرث دوره سی بو قادار سورمه لیدر .
واقعا یینه بعضلری ده ، قرق وحق اوتوز باشینه کلش و بویاشه قادار بر تربیه
و قناعت فکریه دوره سی کچیرمش اولانلردن آرتق برشی بکلنمز ، بر امیدوارسه
اوده یتیشدیره جکمز چوجوقلرده در دیبه فعال عنصرک یوزده آلتش یاخود

یتیشینی ماضی به مال و بو صورتله محافظه کارلغه محکوم عد ایده رلر .
 بز زمانک تلقیناتی و ملی انقلابیزک ایقاظلری و رهبرلکی اوکنده بو بدیین
 و فتورلی فکری هیچ قبول ایده مبورز . بو موضوعده یالکز برشی ایسته بورز .
 اوده فن و علم تطبیقاتینک ، یعنی عملی عصریلکک مشکلمزنی حل ایتمه سی
 و حرکاتمزی اونک تنظیم ایلمه سیدر . بو خصوصده بعض قیدانه ، تشویقانه ، حتی
 مکلفیته و بلکه ده جذری تعهدانه لزوم واردر . بو میانده ایلک خطوه لر ایچون
 یینه لزومنی حس ایتدیرن شی تساندی آکلاتاجق و دماغلره بر اعتقاد و ایمان
 اولارق برلشدیره جک اولان برلکک و استحصال قونوبه رانیفلری اساسیدر .
 چونکه او وقت کندی سویله بوب یینه کندی دیکله یین ، کندی کندینه دوشونوب
 برشی یاپامایان ، عقلی ایرمدیکی یاخود مشکلینه چاره بولمادینی زمان دانیسه جق
 یری بولامایان فردجیلکک ایچنه رابطه و تعاون قوتلری کیره رک هم مادی هم معنوی
 بر حساب کتاب ساحه سی آجیلاجق و جالیشان قوللره مشترک منفعتلری ، اطرافینی
 صارارق ، صیانت ایدن دماغ فعالیتی منضم اولاجقدر .

بونا آلیشامیه جق اولان عقل بک نادردر و او یله سیندن ذاتاً آلیشه ده برشی
 بکلتمز . اکثریت ایسه هر ملتده اولدینی کی بزده ده مشترک منفعتلرک مطلقاً تساندله
 کاله ایره جکیفی بیلیر .

ملی تساندک هر هانکی بر ایشده نه کی بر ثمره ویره جکیفی یازی بر درجه به
 قدار آکلاتیر ، فقط بر قونوبه رانیف تعاون جمعی ، بر صنعتکار یاخود چیفتچی
 برلکی تشکیل ایده رک تطبیقاتینی یاپاماز و یابدیراماز . بونی یابدیرمقله معناً مکلف
 اولانلر او مسلکک و زمره لرک فکر آمنور اولان ارکانیدر . بو ارکانی ده سوق
 و تشویق ایده جک اولان بویوک عنصر ، دواثر انتخابیه اعتباریله ، باشده بویوک
 ملت مجلسی اعضاسی اولدینی حالده بونلرک تشویقینه محتاج بولنان تحصیل کورمنی
 سوزی دیکله نیر هم شهرلر اولسه کر کدر .

نتیجه اولارق بختمزی خلاصه ایتمک ایسترسه ک شویله دیملی بز :
 فوق العاده حادثات ایله رخنه دار اولمش ثروت عمومیه یی آرتدیرمق ایچون

پارا مسأله سینه دقت و پارا نك احوال و صفعاتینی دائماً تدقیق ایتمك ، پارا نك آنجق
اخراجات مقابلی جو غالمق صورتیه او جو زلاماسینه جالیشمق ، او حالده اخراجات
ادخالاندن فضله اولمق و كندی ملی معمولاتینی قوللانمق ، اقتصادی موازنه بی آرامق ،
بو یولده ملی تساند و برلكلره جوق اهمیت و یرمك ، فرد جیللك منجر اولدینی
فتوری بو صورتله ازاله ایتمك ، بونك ایچون مملكتك بویوك عنصر بلك دلال و
ارشادی بویوك بر قوتدر .

بونا برشی داها علاوه ایتمك اقتضا اید یوركه اوده اقتصادی بر پروغرامه
لزوم اولوب اولمادیغیدر .
بو پروغرام اساساً موجوددر .

دولت زراعی ، صناعی و تجاری بوتون داخلی سیاستنی معین هدفله دوغرو
كو توره ن ترنیات و تشبثاتی بر عمومی پروغرامدر . بونك تفرعاتینی قسماً بومقاله لر مزده
صایدیغمز ماده لر تشکیل ایدیور . اصل مسأله معین هدفلك ایستدیکی تطبیقاتی
منطقه لر ، جهتلر ، اقلیملر اعتباریه طبیعی تقسیمات اظهار ایدن مملكت پارچالری ،
محلی اداره لر و مؤسسه لك اجرا ایتمه سیدر . پروغرام هر نه طرزده اولورسه
اولسون كیت كیده بو محلی ساحه لره دایانارق احكامنی اورالرده بالفعل
كورمك ایستر . اونك اجرا و تطبیق واسطه لری اداره خصوصیه لر ، محلی
زراعت و تجارت ، صنایع مدیرلكلری ، برلكلر ، جمعیتلر اوجاقلر ، شركتلر
و زمره خروپلریدر . بونلك آرا لرینده کی دائمی ارتباط ، حكومت پروغرامنك
اطرافینده جالیشمقله مملكت مطلوب اولان احاطه لی فعالیتلر كچر .

علی معاد